

SCRIPT OF MORNING GOJRI NEWS BULLETIN 14AUG 2026 1015HRS

مارننگ گوجری نیوز بولیٹن 14 اگست 2026

یوہ آکاشوانی جموں ہے محمد اکرم تیں خبر سُنو۔

PREZ ADDRESS

صدر جمہوریہ درویدی مرمو اج 80 ویں یوم آزادی غا موقع ور قوم غے نال خطاب کریں گی۔ صدر جمہوریہ غو یوہ خطاب شام 7 بجے آکاشوانی غا پورہ قومی نیٹ ورک ور نشر کیو جے غو۔ صدر جمہوریہ گا خطاب نانہ دور درشن گا تمام چینلاں ور انگریزی تیں فوراً بعد ہندی مانہ وی ٹیلی کاسٹ کیو جے غو۔ انگریزی تے ہندی مانہ خطاب گا ٹیلی کاسٹ تیں بعد دور درشن گا علاقائی چینلاں ور اس خطاب نانہ علاقائی زبانان مانہ وی نشر کیو جے غو۔ آکاشوانی اپنا متعلقہ علاقائی نیٹ ورک ور علاقائی زبانان مانہ خطاب نانہ رات ساڈہ 9 بجے نشر کرے غو۔

SECURITY I'DAY

یوم آزادی غی تقریبات تیں قبل جموں کشمیر بھر مانہ حفاظتی انتظام بدا دتا گیا ہیں۔ اس دوران کثیر سطحی انتظامات سخت گشت چیکنگ تے زمینی تے فضائی نگرانی خاص طور ور قبضہ لکیر تے بین العوامی سرحد غے نال بدا دتی گئی ہے جموں مانہ یوم آزادی غی مرکزی تقریب مولانہ آزادی سٹیڈیم مانہ منعقد کی جے غی۔ جت نائب وزیر اعلیٰ سریندر چوہدری قومی چنٹو چاڑیں غا تے سلامی لیں گا۔ سرینگر مانہ وزیر اعلیٰ عمر عبداللہ اس غی صدارت کریں غا تے ات آزادی غی تقریب بخشی سٹیڈیم مانہ منعقد کی جے غی۔ اس دوران وزرائ سکنہ اتو، جاوید احمد ڈار، جاوید احمد رانا، ستیش شرما، اننت ناگ، بارہ مولہ، پونچھ تے کٹھوعہ مانہ ضلعی سطح تقریبات غی قیادت کریں گا۔ آزادی غی تقریبات ضلع تے سب ضلع سطح ور وی منعقد کی جیں غی۔

PARTITION DAY

بھارت 1947 مانہ تقسیم غے دوران جدوجہد تے قربانیاں غی یاد مانہ اج تقسیم غی بولناک یاد منا رہیو ہے قوم اُن تمام لوکان نانہ خراج عقیدت پیش کر رہیو ہے جن نے 1947 مانہ تقسیم غے دوران اپنی جان قربان کی ہیں تے ناقابل تصور درد برداشت کیو۔ ان تمام لوکان نانہ خراج تحسین پیش کرتا واں جن نے ملک غی تقسیم غی وجہ نال اپنی جان گوائی تے اپنی جڑاں تیں دور ہوا۔ پورا ملک غے اندر بکھ بکھ پروگرام منعقد کیا جارہا ہیں یاد رہ جے حکومت نے 2021 مانہ 14 اگست نانہ ہر سال اس دن غا طور ور منان غو فیصلو کیو تھو۔ لیفٹیننٹ گورنر منوج سنہا نے وی اُن تمام لوکان نانہ خراج عقیدت پیش کیو۔ جن نے اپنی جان گوائی تے بے پناہ نقصان برداشت کیو۔

CM INTERNSHIP PROG

جموں کشمیر حکومت نے چیف منسٹر ڈیجیٹل انٹرنشپ پروگرام 2026 بیچ ایک نانہ منظوری دے دی ہے۔ یوہ 6 ماہ غو مقامی ٹیکنالوجی گا طلبائ واسطے ادا شدہ انٹرنشپ ہے۔ جموں کشمیر ای گورننس ایجنسی غے ذریعے انجام دیتا گیا اس پروگرام مانہ کمپیوٹر سائنس تے انفارمیشن ٹیک مانہ ایم ایس سی، ایم سی اے، ایم ٹیک، بی ٹیک، بی ای کرن آلا طلبا نانہ گورنمنٹ ٹیک، سائبر سکیورٹی تے ڈیجیٹل خدمات مانہ تجربات پیش کرے غو۔

ABSCONDING TERRORIST ARRESTED

ریلوے پولیس جموں نے 35 سال غا بویل تعاقب غے بعد دہشت گردی تے خلل پان آلی سرگرمیاں ور روک تھام بارے ایکٹ غے تحت ایک معزور دہشت گرد نانہ گرفتار کرلیو ہے ملزم دہشت گرد الطاف حبسن شیخ مرہما بج بہارا انتت ناگ تیں شروع مانہ غائب ہو گئو تھو پھر اپنی شناخت چھپا غے رے ریبو تھو ملزم دیگر ساتھیاں غے نال 2 اپریل 1991 نانہ پلیٹ فارم نمبر 1 جموں ریلوے سٹیشن ور اک دھماکہ مانہ ملوث تھو جس مانہ نیم فوجی دستاں گا 2 اہلکار سمیت 3 افسر ہلاک تے 18 دوجا زخمی ہوا تھا۔ پولیس غی طویل تعاقب گا نتیجہ مانہ آخر کار حملہ غے پچھے گا ایک ملزم نانہ گرفتار کرغے کل ٹی اے ڈی اے کورٹ مانہ پیش کیو گیو۔

RAINFALL PATTERN

محکمہ موسمیات نے یکم جون توں 13 اگست 2026 غے دوران مرکز غے زیر انتظام علاقان مانہ معمول تیں زیادہ بارش غی اطلاع دی ہے کشمیر صوبہ مانہ معمول تیں بارش ہوئی۔ تاہم شوپیاں تے کشتواڑ ضلاع مانہ بالتر تیب 48، 48 فی صد بارش کی کمی گو سامنو کرنو پیو۔ کئیں علاقان مانہ کافی بارش ہوئی جد کہ کئیں ضلعان مانہ بارش معمول غے مطابق رہی۔

WEATHER

گزشتہ رات جموں کشمیر غا بکھ بکھ مقامات ور ہلکی تیں درمیانہ درجہ غی بارش ہوئی۔ محکمہ موسمیات غے مطابق، اگلا ایک ہفتہ غے دوران مرکزی زیر انتظام علاقہ مانہ گرج چمک غے نال ہلکی تے پاری بارش ہوسکے۔
